



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-3512/09
Sarajevo, 19.11.2009. godine

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 19.11.2009.			
Organizaciona jedinica	Klasifikaciona oznaka	Redni broj	Broj priloga
01-50-1-15-56/09			

PARLAMENTARNA SKUPŠTINA
BOSNE I HERCEGOVINE

- Zastupnički dom -


SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 105. sjednici održanoj 18.11.2009. godine, utvrdilo je Odgovor na zastupničko pitanje koje je Azra Alajbegović, zastupnica u Zastupničkom domu Parlamentarne skupštine Bosne i Hercegovine, postavila na 56. sjednici ovog doma održanoj 24.6.2009. godine.

U privitku dostavljamo Odgovor uz molbu da isti uručite zastupnici.

S poštovanjem,



GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-3512/09
Sarajevo, 18.11.2009. godine

Azra Alajbegović, poslanik u Predstavničkom domu Parlamentarne skupštine Bosne i Hercegovine, na 56. sjednici Predstavničkog doma održanoj 24.06.2009. godine, postavila je slijedeće poslaničko pitanje:

„U kojoj je fazi realizacija projekta izgradnje autoputa Koridor Vc? I, u isto vrijeme molim da mi Ministarstvo komunikacija i prometa dostavi izvještaj koji se odnosi na ime takse na nepovučena sredstva u periodu od 1988-2008. godine, a vezano za EBRD (37543), kredit sa namjenom rekonstrukcije puteva, kao i izvještaje koje su entiteti dostavili Ministarstvu finansija i trezora koji je upućen 20.03.2009. godine a odnosi se na ova utrošena sredstva.“

Na postavljeno poslaničko pitanje, Vijeće ministara Bosne i Hercegovine, u smislu člana 37. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07, 24/08), na 105. sjednici održanoj 18. 11. 2009. godine, utvrdilo je slijedeći

ODGOVOR

~~Završena je slijedeća plansko-studijska i projektna dokumentacija:~~

- Idejni projekat za cijelu trasu autoputa kroz Bosnu i Hercegovinu,
- Studije uticaja na okoliš za cijelu trasu,
- Prostorno planska dokumentacija i to: regulacioni planovi autoputa na Koridoru Vc za općine Doboj, Modriča i Vukosavlje, nacrt osnova prostornog plana područja posebnih obilježja od značaja za Federaciju Bosne i Hercegovine – „Autoput na Koridoru Vc“ 2008. do 2028. godine.

U toku je izrada glavnih projekata za dionice:

- Doboj jug-Svilaj, dužine 63 km,
- Kakanj-Zenica sjever, dužine 27 km,
- Mostar sjever-južna granica, dužine 57 km i
- Vlakovo – Tarčin, dužine 20 km.

Još nisu donesene odluke da se pristupi izradi glavnih projekata za dionice Zenica sjever-Doboj jug, 54 km i Tarčin-Mostar sjever, 70 km.

Prioritetne dionice za izgradnju autoputa su:

- Kakanj-Zenica sjever, dužine 27 km,
- Doboj jug-Svilaj, dužine 63 km,
- Mostar sjever-južna granica dužine 57 km i
- Vlakovo-Tarčin, dužine 20 km.

Ove dionice bi trebale biti izgrađene do kraja 2012. godine. Finansijska sredstva za udio u finansiranju su obezbjeđena za dionice u Federaciji BiH od Evropske banke za obnovu i razvoj (EBRD, 180 miliona Eura), Evropske investicijske banke (EIB, 75 miliona Eura). U toku je procjena finansiranja projekta sa EIB-om, planiran je kredit za još 240 miliona Eura. Krediti se odnose na dionice:

- Kakanj-Drivuše (Zenica jug), dužine 15,4 km, od EBRD-a 60 miliona Eura i od EIB 75 miliona Eura,
- Vlakovo-Tarčin, od EBRD-a 60 miliona Eura i od EIB planirano 120 miliona,
- dionice Svilaj-Odžak, dužine 11 km i Počitelj-Južna granica, dužine 21 km, od EBRD-a 60 miliona Eura i od EIB planirano 120 miliona Eura,
- dionica Zenica jug (Drivuša)-Zenica sjever, dužine 12 km, parafiran je kreditni sporazum sa Kuvajtskim fondom za ekonomski razvoj u iznosu od oko 30 miliona Eura.

Federalna direkcija autocesta će finansirati troškove eksproprijacije, PDV-a, izdavanja saglasnosti i dozvola.

Preostale dionice se planiraju finansirati pretežno prema modelu Javno Privatnog Partnerstva (JPP). Izrada strategije finansiranja preostalih dionica po JPP modelu priprema engleska konsultantska kompanija ATKINS, što se finansira od strane EBRD-a. Za dionicu kroz općine Doboj, Modriča i Vukosavlje, dužine 46 km, potpisan je koncesioni ugovor sa privatnim partnerom Štrabak-om iz Austrije. Dakle, finansiranje se predviđa prema kombinovanom modelu, iz povoljnih kredita razvojnih banaka i fondova i putem dodjele koncesije, u skladu sa Studijom izvodljivosti.

U vezi sa drugim dijelom pitanja, Ministarstvo ne raspolaže traženim informacijama te pošto ovo pitanje nije u nadležnosti Ministarstva komunikacija i prometa, isto smo dostavili Ministarstvu finansija i trezora kao nadležnom organu.



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-3512/09
Sarajevo, 3.12.2009. godine

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO:		04-12-2009	
Organizaciona jedinica	Klasifikaciona oznaka	Redni broj	Broj priloga
01-50-1-15-56/09			

PARLAMENTARNA SKUPŠTINA
BOSNE I HERCEGOVINE

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 106. sjednici održanoj 3.12.2009. godine, utvrdilo je Odgovor na zastupničko pitanje koje je Azra Alajbegović, zastupnica u Zastupničkom domu Parlamentarne skupštine Bosne i Hercegovine, postavila na 56. sjednici ovog doma održanoj 24.6.2009. godine.

U privitku dostavljamo Odgovor uz molbu da isti uručite zastupnici.

S poštovanjem,



GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-3512/09
Sarajevo, 3.12.2009. godine

Azra Alajbegović, poslanik u Predstavničkom domu Parlamentarne skupštine Bosne i Hercegovine, na 56. sjednici Predstavničkog doma, održanoj 24. Juna 2009. godine, postavila je sljedeće poslaničko pitanje:

«U kojoj je fazi realizacija projekta izgradnje autoputa Koridor Vc? I, u isto vrijeme molim da mi Ministarstvo komunikacija i prometa dostavi izvještaj koji se odnosi na ime takse na nepovučena sredstva u periodu 1988-2008. godine, a vezano za EBRD (37543), kredit sa namjenom rekonstrukcije puteva, kao i izvještaje koje su entiteti dostavili Ministarstvu finansija i trezora koji je upućen 20.03.2009. godine, a odnosi se na ova utrošena sredstva“.

Na postavljeno pitanje, Vijeće ministara Bosne i Hercegovine je na 106. sjednici održanoj 3. 12. 2009. godine, utvrdilo sljedeći

DIO ODGOVORA

Prema potpisanom Ugovoru sa EBRD-om, dospijeće troška na neiskorištena sredstva (commitment fee) za kredit 37543 je 05 juni i 05 decembar.

Po ovom osnovu do sada su plaćene dvije obaveze:

903.021,40 KM (539.864,51 KM za FBiH i 363.156,89 KM za RS), dospijeće 05.12.2008;

311.982,25 KM (172.052,10 KM za FBiH i 139.930,15 KM za RS), dospijeće 05.06.2009.

Na upit Ministarstva finansija i trezora BiH od 20.03.2009. godine, entiteti nisu dostavili nikakav odgovor.